

Учдан бирга ҳақдорлар



12:19 / 02.10.2024 1129

Учдан бирни оловчи меросхўрлар фақат иккитадир:

1. Она

2. Она бир ака-ука ва опа-сингиллар (икки ёки ундан кўп бўлишса).

Биринчидан, она учдан бирни олиши учун иккита шарт топилиши лозим:

- а) Марҳумнинг фарзанди ёки ўғлининг фарзанди бўлмаслиги шарт.
- б) Марҳумнинг икки ёки ундан кўп ака-укалари, опа-сингиллари бўлмаслиги шарт. Ака-ука ва опа-сингиллар туғишган ёки ота бир ёки она бир бўлишларининг фарқи йўқ. Шу билан бирга, улар мерос оловчи ёки маҳжуб бўлишиларининг ҳам фарқи йўқ. Бунга далил қуийдаги ояти каримадир. Унда аввал шундай дейилган:

فَإِنْ

«Агар унинг фарзанди бўлмай, унга ота-онаси меросхўр бўлса, онасига учдан бир».

Сўнг шундай дейилган:

السُّدُسُ فَلَأُمِّهِ إِخْوَةٌ لَهُ، كَانَ فَإِن

«Агар ака-укалари бўлса, онасига олтидан бир» (Нисо сураси, 11-оят).

Қоида. Мерос илмида (إِلٰيْهِ اخْوَةٌ) «ака-укалар» сўзи мутлақ ишлатилса-да, ундан кўплик учун ишлатиладиган уч ва ундан юқориси мақсад қилинмайди. Балки бунга икки ҳам киради, чунки луғатда кўплик иккитага ҳам ишлатилади. Мисол учун, жамоат намози имом ва битта иқтидо қилувчи билан ҳам дуруст бўлади. Кўпликни иккиликка ишлатиш тўғри бўлишига далолат қиладиган ояти карима ҳам бор.

Аллоҳ таоло шундай марҳамат қиласди:

قُلُوبُكُمَا صَغَتْ فَقَدَ اللَّهُ إِلَيْهِ نَتُوْبَا إِن

«Агар икковингиз Аллоҳга тавба қилсангиз, қалбларингиз (ҳаққа) мойил бўлибди» (Таҳрим сураси, 4-оят).

Иккинчидан, она бир ака-ука ва опа-сингиллар (икки ёки ундан кўп бўлишса) қуйидаги икки шарт билан учдан бирни олишади:

1. Асл ва фарънинг бўлмаслиги шарт. Юқорида ўтганидек, бу нарса «калола» лафзидан маълум бўлади.
2. Улар икки ёки ундан кўп бўлишлари шарт. Эркак ёки аёл, ёхуд аралаш бўлишларининг эътибори йўқ. Бунга далил ушбу ояти каримадир:

أَوْ أَخْ وَلَهُ، أَمْرَأَةٌ أَوْ كَلَّةٌ يُورَثُ رَجُلُكَاتْ وَإِنْ

مِنْ أَكْثَرَ كَانُوا فَإِنَّ السُّدُسَ مِنْهُمَا وَاحِدٍ فَلِكُلِّ أُخْتٍ

جُ الْثُلُثُ فِي شُرَكَاءٍ فَهُمْ ذَلِكَ

«Агар бир эркак ёки аёл калола ҳолида мерос қолдирса, унинг биродари ёки синглиси бўлса, улардан ҳар бирига олтидан бир. Агар улар бундан кўп бўлсалар, учдан бирига шерикдирлар» (Нисо сураси, 12-оят).

Биринчи мулоҳаза. Аллоҳ таолонинг «унинг биродари ёки синглиси бўлса» деган сўзидан мурод она бир биродар ака-ука ёки сингиллардир, чунки Аллоҳ таоло туғишган ака-ука ва опа-сингилларнинг ҳукмини Нисо сурасининг охирида зикр қилган. Шунингдек, ота бир сингил ва ота бир биродарнинг ака-уканинг ҳукми ҳам ушбу ояти кариманинг ўзида баён қилинган. Демак, шундан маълум бўладики, «унинг биродари ёки синглиси бўлса» калимасида она бир биродар ака-ука ёки она бир сингил назарда тутилмоқда.

Иккинчи мулоҳаза. Аллоҳ таолонинг «учдан бирига шерикдирлар» деганидан она бир ака-ука, опа-сингиллар учдан бирда шерик эканликлари маълум бўлади. «Шерик» калимаси ўзаро teng тақсимотни тақозо қиласди. Шунга кўра эркак ва аёлни ажратмасдан, уларга учдан бирни баробар тақсимланади. Мерос уламоларининг она бир ака-ука ва опа-сингиллар тўғрисидаги қуйидаги сўzlари ушбу маънога далолат қиласди:

**«Уларнинг эркаклари ҳам, аёллари ҳам тақсимот ҳамда
ҳақдорликда баробардир».**

Аммо туғишиган ёки ота бир ака-ука ва опа-сингиллар ўртасида мерос тақсимоти «бир эркакка икки аёл улушича» қоидасига кўра бўлади.

«Ислом шариатида мерос илми» китобидан

Ушбу китоб Ўзбекистон Республикаси Дин ишлари бўйича қўмитанинг 2021 йил 24 августдаги 03-07/5163-рақамли ҳамда 2022 йил 27 сентябрдаги 03-07/7348-рақамли хulosалари асосида тайёрланган.